















jednorączny, półmétrowi, półroczy, półtoramétrowi, sétmégromòwi 'taczì jak sétmé gromów – stolémny', szesconogòwi, sztërenórtowi, sztërerogòwi, trzëgwiòzdkòwi, trzënrórtowi, trzërogòwi, wiledzeczny, wielerazowi, wielestronowi, wieleosztòtny; òkróm tegò rzòdkò rejestrowóné sã znankòwniczì zesadzoné z zamiona i jistnika, np.: *každodzëny*, nieczãsto trófnajã sã téz fòrmacje, w jaczich pierszim cztonã je znankòwnikòwi mionoczasnik, np.: *zarosłonosy* 'taczì, co mò zarosłi nos';

- 2) **szstrukturë, jaczich drëdzim cztonã je czasnik:** wiòldzi dzël negò òrtu zesadzeniów reprezentëjã zamionowò-czasnikòwé szstrukturë z zamionã *sóm* jakno pierszim cztonã, np.: *samòlubny*, *samòrodny*, *samòrobny*, *samòrobòtny* 'taczì, co chtos *sóm* gò mò robioné', ale téz z jinyrna zamionama, np.: *wszëtkòwiédny* 'taczì, co wszëtkò wié'; midzë zesadzenia, jaczich drëdzim cztonã je czasnik, nót je téz wëapartnic szstrukturë przëczasnikòwò-czasnikòwé, np.: *daleksyżny* 'taczì, co sygò dalek', *dalekniosny*, *długòtrzymny* 'taczì, co długò trzimò', *wszãdzebëszci* 'taczì, co wszãdze bël'; a téz wielnikòwò-czasnikòwé szstrukturë, np.: *dwadzëleniowi* 'taczì, co sã dzëli na dwa'; i jistnikòwò-czasnikòwé szstrukturë, np.: *krëwiochòłpny* 'taczì, co sã chòłpi na krëwiã', *wòdolékòwny* 'taczì, co lékùje wòdã';
- 3) **szstrukturë, jaczich drëdzim cztonã je znankòwnik:** colemało sã to kònstytucje przëczasnikòwò-znankòwnikòwé, w òsoblëwòscë wpartãcziwò sã tuwò fòrmacje znankòwnikòwé tikajãcë sã tãczëznë farwów, np.: *cemnoszari* 'szari cemno', *cemnozelony*, *czerwionobestri*, *czòrnobestri*, *jasnomòdri*, *mòdrobestri*, *szaròbùri*, *zelonobestri*, *zòłtawòzelony* (niechtërne z wëzi wëmienionëch fòrmacjów mògã miec dëbeltnã mòtiwacjã – òkróm przëczasnikòwò-znankòwnikòwì téz znankòwnikòwò-znankòwnikòwã, np.: *szaròbùri* 'bùri szaro' i 'szari i bùri'); òkróm tegò mòzë wëapartnic derivatë znankòwnikòwò-znankòwnikòwé (jich pier-

szì człón téz je znankòwnikã), np.: *głupòmądri* 'taczì, co je përnã głupi i përnã mądri', *òglowòkaszëbszci* 'taczì, co je òglowi i kaszëbszci', *stòrodòwny* 'taczì, co je stòri i dòwny', *stòromòdny* 'taczì, co je stòri i bël mòdny przòdë lat temù', *stòrowieczny*; jistnikòwò-znankòwnikòwé szstrukturë, np.: *karëwòrtny* 'taczì, co je wòrt karë'; incydentalnie notërowóné sã téz zamionowò-znankòwnikòwé szstrukturë, np.: *nicdobri* 'taczì, co ni mò w sobie nic dobrégò', *nicbëlly* 'taczì, co ni mò w sobie nic bëlnegò';

- 4) **szstrukturë, jaczich drëdzim cztonã je wielnik:** sã to leno wielnikòwò-wielnikòwé fòrmacje (jich pierszim cztonã téz je wielnik), np.: *dzesãcmiliónowi*, *òsmëmiliardowi*, *pòtmiliónowi*, *pòłtësãczny*, *szesctësãczny*.

### Cwicznëk 1

Dokònj słowòbudowiznowi analizë nòslëdnëch zesadzonëch znankòwnikòw: *równoczasny*, *nicwòrti*, *grëbònogòwi*, *cemnomòdri*, *długòczasny*, *stòrosłowianzci*, *jasnoròzewi*, *długòuszny*, *kròtkòwałowi*, *wielelatny*, *stòroruszci*.

- Òd jaczich słów (słowòbudowiznowëch spòdlów) sã ùsazoné wëmienioné wëzi znankòwniczì?
- Jaczima partama mòwë sã słowa, chtërne òstatë przez ciebie ùznóné za słowòbudowiznowé spòdla?
- Za pòmòcã jaczich fòrmantów òstatë ùsazoné wëmienioné wëzi zesadzoné znankòwniczì?

### Cwicznëk 2

Ùsadzë zesadzoné znankòwniczì òd nòslëdnëch słowòbudowiznowëch spòdlów:

- jeden*, *tësãc*;
- lilewi*, *cemno*;
- równy*, *sztòłt*;
- wiele*, *szlabiza*.

## AKADEMIA BAJKI KASZUBSKIEJ



Kaszubskie Bajania to spòlëznowò kampaniò realizowónò przez Kaszëbskò-Pòmòrszcë Zrzeszenië i Radio Gduńsk. Pòwsta òna z mësłã ò dzecach, zëbë ju òd nòmłodszych lat pòznòwałë kùlturòwã spòdkòwiznã Kaszub. Jednym z celów kampanii je pòdniesenië w spòlëznie swiãdë tegò, jak wiòldzë znaczenië mò czëtanië dzecóm.

wicy na [www.akademiabajkikaszubskiej.pl](http://www.akademiabajkikaszubskiej.pl)